



Publicaziuns dalla vischnaunca, jamna 23

Votaziuns federalas e votaziun communal dils 18 da zercladur 2023

L'urna principala en casa communal ei aviarta sco suonda:
Dumengia, 18-06-2023, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 16 da zercladur 2023, allas 14.00**, tier l'administraziun communal (tel. 081 920 36 36).

Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brev dalla casa communal.

Ils cedels da votar ston esser sil pli tard la dumengia, ils 18 da zercladur 2023 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Votaziun all'urna dils 18 da zercladur 2023

La suprastonza communal ei perschudadida ch'il project dalla punt pendent porta a nossa vischnaunca sco era alla regiun ina plivalur turistica ed economica. Plinavon ei la punt ina colligiaziun segira ed independenta dil traffic d'autos per Mumpé Medel.

La contribuziun dalla vischnaunca da maximalmein frs. 390'000 (excl. cuosts da planisaziun da frs. 90'000) ei finanzialmein supportabla ed en cumparegliaziun cun l'investiziun totala dad frs. 1'900'000 mudesta. Cun immens engaschi voluntari ha l'uniun sut l'egida dil giuven Christian Loretz saviu recaltgar rodund frs. 1'400'000, quei che mereta nies sincer sustegn. Era ils cuosts da menaschi annuals calculai cun frs. 10'000 ein per nossa vischnaunca en quei rom acceptabels. Plinavon eisi da menziunar claramein che quella contribuziun unica ni periclitescha ni retarda auters projects ch'ei sin rucca.

La suprastonza communal sustegn l'iniziativa privata e propona alla populaziun da conceder la contribuziun necessaria per che la realisaziun da quell attractiva purschida en nossa vischnaunca sappi cuntinuar.

Engraziel fetg per Vies sustegn.

Suprastonza communal



Damondas da baghegiar

2023-1051.000

Datum dalla publicaziun: 9 da zercladur 2023

Patruns: Silvio e Barbara Candinas, Via Vallars 12, 7186 Segnas
Representant: Silvio Candinas, Via Vallars 12, 7186 Segnas
Intenziun: Remplazzament dil scaldament d'ieli cun ina nova pumpa da calira d'aria
Parcella: 2234
Adressa: Via Vallars 12, 7186 Segnas
Zona: Zona dil vitg engrondida
Zona da prighel: Neginia
Plan da quartier: Plan da quartier Buretsch

2023-1050.000

Datum dalla publicaziun: 9 da zercladur 2023

Patruns: Manetsch SA, Via da Scola 4, 7180 Disentis/Mustér,
Furgertaxi SA, Via Raveras 33, 7180 Disentis/Mustér
Representant: Manetsch SA, Via da Scola 4, 7180 Disentis/Mustér
Intenziun: Construcziun d'ina suoschna vid il baghetg existent
Edifeci nr.: 769E
Parcella: 1057
Adressa: Via Raveras 33, 7180 Disentis/Mustér
Zona: Zona da mistregn
Zona da prighel: Neginia

2023-1052.000

Datum dalla publicaziun: 9 da zercladur 2023

Patruns: Hansjürg & Daniela Rüdlinger, Sonnegrundweg 6, 9533 Kirchberg SG
Representant: Lutz installaziuns SA, Via Raveras 30, 7180 Disentis/Mustér
Intenziun: Remplazzament dil scaldament entras ina nova pumpa da calira cun sondas
geotermicas
Edifeci nr.: 331
Parcella: 110
Adressa: Via Foppas 15, 7186 Segnas
Zona: Zona dil vitg
Zona da prighel: Neginia
Plan general: - Areal da habitadis protegi da formaziun: generalmein
- Ulteriurs baghetgs cun prescripziuns da protecziun

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suandont project:

Nr. 2023-2032.000

Marcus Huonder-Flury, Via Dulezi 1, 7180 Disentis/ Mustér; remplazzament dalla stora entras ina nova stora ed ina pergola, parcella 945, Via Dulezi 1, 7180 Disentis/Mustér.

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **mesjamna, ils 21 da zercladur 2023**, allas 19.30 en halla Cons.

Tractandas:

1. Protocol 22-2021/2024
2. Corporaziun schigentera solara da gliet Cadi: Dissoluziun (messadi 37-2021/2024)
3. Serenera Raveras - Installaziun d'in indrez solar: Project e credit (messadi 38-2021/2024)
4. Plan da finanzas 2023-2032 (messadi 39-2021/2024)
5. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Referendum facultativ spirau – Rapport da gestiun 2022

A caschun da sia seduta dils 4 da matg 2023 ha il cussegl da vischnaunca approbau unanimamein il rapport da gestiun ed il quen 2022.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Il rapport da gestiun 2022 ell'usitada fuorma stampada e ligiada vegn distribuius el decuors dalla secunda mesadad da zercladur 2023 en tuttas casadas en vischnaunca.

Suprastonza communal

Center da rimnada a Raveras – Nova stadera e pressa

Temps d'avertura matg/zercladur

Muort lavurs da manteniment e lavurs per l'installaziun dil niev sistem da pesar cun ina pressa pils rufids blocconts resta il center da rimnada a Raveras serraus duront ils suandonts dis:

– mesjamna ils 31 da matg 2023 entochen ils 3 da zercladur 2023

La part dils rufids blocconts resta plinavon serada entochen ils 11 da zercladur 2023 igl ulteriur ei aviart sco usitau.

Naven digl 1. da zercladur dat ei buca pli las muldas da rimnada da rufid bloccont e lenna. Tals rufids vegnan rimnai cun ina nova stadera e pressa. Tier quella stadera sa vegnir pagau cun ils mieds pli moderns sco: carta dad EC, carta da credit e Postfinance sco era Twint.

Duront ils 12 entochen ils 23 da zercladur stat ina persuna d'instrucziun mintgamai il suentermiezdi alla 14.00-17.00 uras (gliendisdis entochen venderdis) a disposiziun en cass da damondas.

Plinavon supplichein nus vus da purtar egl avegnir al center da rimnada Raveras rufids blocconts e lenna mo en pigns quantums, pli grondasargas ei per tuts in avantatg da dismetter a Rueun ni fatschentas specialisadas per quei intent.

Bien engraziament per Voss'enconuschientscha.

Uffeci d'infrastructura e baghegiar



Controlla da habitonts

Naschientschas

Gabriel Carvalho Neiva, naschius ils 12-5-2023, feagl da Joao Paulo Ferreira Carvalho Neiva ed Ana Rita Fernandes Carvalho Neiva

Nael Tuor, naschius ils 2-6-2023, feagl da Damian ed Ursina Tuor

Devin Ilay Flury, naschius ils 4-6-2023, feagl dad Andreas e Silvana Flury

Administraziun communal

Apparat d'udida

Gliendisdis, ils 12 da zercladur 2023 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamain quei survetsch gratuit per tuts interessents.

Ei drova negina annunzia

Gruppa da teater d'affons e giuvenils, Mustér

La gruppa da teater d'affons e giuvenils, Mustér sepresenta en halla Cons a Mustér **sonda, ils 10 da zercladur 2023 e venderdis, ils 16 da zercladur 2023** mintgamai allas 20.15 cul niev toc «buorsa – brat da geniturs».

Cordial beinvegna fan a vus:

Alina, Elia-Maurin, Simon, Flurina, Timo Luana,
Chiara, Niculin, Irina, Leonie, Jenna, David,
Catarina e Tina
